

大日本史

五十四

第一百十七卷 列傳
 長屋王 藤原廣嗣 橘奈良麻呂
 第一百十八卷 列傳
 佐伯今毛人 百濟敬福 高倉福
 信 紀勝長 伴善男
 第一百十九卷 列傳
 文室淨三 船王 永十 鹽燒山
 村王 平高棟 豐前王

一	二	三	四	五	六	七	八	九	十	十一	十二	十三	十四	十五	十六	十七	十八	十九	二十
五	四	三	二	一	〇	九	八	七	六	五	四	三	二	一	〇	九	八	七	六
冊	架	函	牌	類															

内閣文庫	
番號	和 20258
冊數	150 (54)
函號	138 105

架册〇五
 六五歴和

内閣文庫		
三	二	和
八	〇	書
兩	二	
二	五	
〇	八	
架	冊	類



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak



大日本史卷之一百一十七

淺草文庫



列傳第四十四

權中納言從三位源光圀 修

男權中納言從三位綱條 校

玄孫權中納言從三位治保重 校

長屋王

藤原廣嗣

橘奈良麻呂 孫逸勢 小野東人

長屋王、高市皇子長子也、公卿補任、皇慶雲

大日本史

卷一百一十七

列傳

一

初敘正四位上、和銅二年進從三位、為宮内卿、轉式部卿、益封百戶、靈龜中授正三位、養老二年任大納言、五年進從二位、拜右大臣、賜帶刀資人十人、元明帝不豫、召入託後事、尋賜稻十萬束、粟四百斛、神龜元年進正二位、轉左大臣、天平元年二月、漆部君足中臣宮處東人譖曰、長屋王私學左道、欲傾國家、即夜遣使固三關、令式部卿藤原宇合、衛門佐佐味蟲麻呂、左衛士佐津島家道、右衛士

佐紀佐比物等、將六衛兵圍長屋第、明日遣一品舍人親王、新田部親王、大納言多治比池守、中納言藤原武智麻呂、右中辨小野牛養、少納言巨勢宿奈麻呂等、窮問賜自盡、續日

本年四十六、公卿補任○按懷風藻為五年紀、傳曰、長屋王好佛法、製袈裟一千條、施唐名僧、今昔物語曰、天平元年二月、設大法會於元興寺、長屋王奉敕供養諸僧、有一沙彌、濫行乞飯、王撻碎其頭、人皆譏王、後有嫉王者、讒之、帝曰、王欲傾國家、法會之日、行不善、帝大怒、遣兵圍王第、王仰藥而死、今考往生傳、其殺沙彌、蓋下胥所為、夫人二品吉備内親而嫉王者、釀成讒說也。

大正
卷一百一十
夕
川傳

王子從四位下膳夫王、無位桑田王、葛木王、
 鈞取王、皆自縊、收家中男女、繫左右衛士兵、
 衛等府、遣使葬長屋及夫人於生馬山、敕曰、
 吉備內親王無罪、宜准例葬、唯停鼓吹、其家
 令帳內、竝從放免、長屋王因犯伏誅、雖准罪
 人、其葬事莫過儉薄、外從五位下上毛野宿
 奈麻呂等七人、坐與長屋交通處流、餘悉原
 免、遣左大辨石川石足等、就長屋弟鈴鹿王
 第、宣敕曰、長屋王昆弟姊妹、子孫及妾、合緣

坐者、不問男女、咸皆赦除、於是曲赦左右京
 大辟以下、并免緣長屋事徵發百姓雜徭、君
 足東人竝敘外從五位下、又敕長屋弟姊妹
 男女見存者、預賜祿之例、東人後為右兵庫
 頭、有左兵庫少屬大伴子蟲、曾事長屋蒙恩
 遇、後十年東人偶與子蟲圍碁、語及長屋事、
 子蟲憤詈、拔劍斬之、續日本紀○本書長屋
 王官位寶字七年十月
書左大臣正二位、寶龜五年十二月書左
 大臣從一位、蓋贈從一位、歟、今無所考、長
 屋賦詩詠歌、當時才士多遊其門、懷風藻、初
 萬葉集、

長屋之獲罪也。子男皆坐死。唯安宿王、黃文王、山背王，以藤原不比等外孫得宥死。安宿王、天平中歷玄蕃頭、治部卿。勝寶中為中務大輔。至正四位下。遷播磨守，兼內匠頭。寶字元年安宿及黃文王黨橘奈良麻呂事覺，并妻子流佐渡。黃文拷掠杖死。安宿寶龜四年赦。賜姓高階真人。山背王，歷右大舍人頭。但馬守。告二兄預奈良麻呂事，廢帝褒授從三位。賜姓藤原。名弟貞，數年兼坤宮大弼。至參

議禮部卿

續日本紀

藤原廣嗣，式部卿，宇合長子也。

續日本紀

生而魁偉，頭上肉角寸餘，博覽典籍，兼通佛教，武藝絕倫，練習兵法，其餘天文陰陽之書，管絃歌舞之技，咸究精微，以才能稱。松浦社本緣起天平中敘從五位下，為大養德守，遷太宰少貳。續日本紀時吉備真備研覈術數，好搜人情，見廣嗣，謂人曰：此人必為世患。松浦社本緣起僧玄昉為僧正，居內道場，寵榮日盛，乖沙門

業時人惡之

續日本紀

屢稱說法近侍藤原皇后

頗有醜聲聞於外廣嗣請斥之帝不納

今昔物語

源平盛衰記

妻有姿色廣嗣赴任留居京師玄昉

欲姦之妻告之太宰府廣嗣大怒

松浦社本緣起

書曰廣嗣速歸京師京師人皆恐曰廣嗣歸天

下才士必有異圖今考續日本紀無廣嗣歸故不取十二年八月上表斥政事之得失陳

天地之災異請除玄昉真備續日本紀曰臣聞天

子有爭臣七人不失天下諸侯有爭臣五人

不失其國是故三王御國恐有過而不聞五

帝治世懼忠言之不達或懸旌進善或置木

召謗伏惟陛下乃神乃聖克文克武重華放

勛何得間然可謂黃河一清幸逢聖運也但

聖人千慮或有一失頃小人道長君子道消

上下情隔民不安堵加以昊天告譴嗟若下

寧羣臣上下未聞極言臣子之道豈若斯哉

臣家開闢以來及至今日鼎食累世冠蓋相

連恩賞超於呂霍榮寵類於伊周覆載之恩


死而不朽豈如荆軻感一旦之恩為燕報讎

張良思五世之寵為韓滅秦而已雖觸龍鱗不敢不陳臣聞皇之不極謂之不躓時則昊天示變丁寧君上若改過修德轉禍為福知而不改天則罰之然則天平五年至十一年并六箇歲太白經天案劉向五紀論曰太白少陰弱不得專行故以己未為界未得經天而行經天則晝見其占為兵為大臣為民主強國弱主弱國強臣勝主此之攻占可畏也

○勝主上下疑有脫文
攻字文義不通蓋訛

去天平十一年十一

月二十七日太白晝見在心度日正午時見未申上有芒角最可畏之總在申日○總字疑訛心為天王海內主故置積卒而衛己五星極此度而有變者主者惡之雖魏晉末代君臣同牀時未有太白少陰在心上而晝見也天平十一年正月二十九日災可畏太史所知故不復陳二月二十九日夜半地震蕭牆之內又詳太史所奏故不煩重十二年二月陰獸登樹奪陽鳥之巢以五行傳按之恐有賊



人奪君位之象乎。臣愚一矣。識記曰。胡法滅國亡。頃者佛法漸頹。最可畏也。何則。結集正教之日。十地菩薩。四果聖人。咸集一處。告誓言。從此結集以後。一言一字。不得增減。然則增者失音。減者迷律。傳內律教。禁斷著正五位色。而今僧正玄昉。恒著紫紱袈裟。一項違正法。令諸僧尼。漸染邪道。豈如此乎。又諸如來三乘教中。未曾聞流放僧侶。制僧尼有罪。即苦使耳。而今玄昉私制邪律。流放僧尼。內

挾舐糠之心。外矐指鹿之威。佛法之賊。莫甚

於此。又出家人者。離出國家。如牢獄。○牢字上蓋脫

一棄捨妻兒。如著枷鎖。不得畜養奴婢牛馬。

酤酒屠肉。耕作商賈。而今玄昉畜養奴婢。興

作舍宅。聚積財寶。釀酒屠肉。作農商侶。一同

白衣。法滅之漸。彌扇外道之跡。頓起。一何悲

哉。又出家人者。一切衆生大導師。故堅制威

儀。以導三有。又僧正者。佛法綱紀。法之興廢。

緣此。一僧。然此僧無頭陀安居種種威儀。而

香花飾身、愛著女色、宛如白衣、無戒有精、又
 十地菩薩、非肉眼之所能見、坐禪靜慮之處、
 非媯欲所緣之境、然詐說現身、值遇十地菩
 薩、矯言身證坐禪道、昔聞大天汗穢正教、今
 見玄昉欲絕法網、遂至令金身丈六佛眼流
 淚、矯下賤女子、偽稱彌勒、豈非法滅之相哉、
 臣愚二矣、金光明最勝王經說曰、由諸天護
 持、亦得名天子、三十三天主分力助人王、若
 王作非法、親近惡人、三十三天眾咸生忿怒、

心、天主不護念、餘天咸棄捨、國所重大臣、朽

橫而身死、

疑訛○朽橫

惡鬼來入國、疾疫遍流行、

若有諂狂人、當失于國位、由斯損王政、如象
 入花園、頃歲賢臣良將零落殆盡、百姓死散、
 里社為墟、疾疫流行、殆無虛歲、嗟乎興廢之
 機、係此一時、可不恐哉、臣愚三矣、我聖朝之
 為國也、光宅日本、臨長安而竝明、包括萬邦、
 對唐王以爭雄、但唐王恒云、天無兩日、地無
 二主、無唐則日本、無日本則唐、豈有東帝西

帝者乎、遂挾姦心、窺我上國者、歲既多也、叢
 爾新羅、虎狼爾心、含會誓之恥、畜勾踐之怨、
 祈禱羣望、構禍國家者、日亦久矣、北狄蝦夷、
 西戎隼俗、狼性易亂、野心難馴、往古已來、中
 國有聖則後服、朝堂有變則先叛、其為俗也、
 子報父敵、孫酬祖怨、但以畏陛下之威武、服
 聖朝之文教、匿爪牙於毛中、戢羽翼於鱗下、
 蓋鱗字縱今朝堂有旰食之急、邊城有烽火
 之警、豈有忍父祖之宿怨、忘子孫之甘心哉、

頃者賢臣已歿、良將多亡、四隣具聞、八表共

識、當今之務、練習五兵、振威四海、先諍後實、

災變或視、○此間疑能崇賢選士、撫慰萬邦、

割卻庸租、簡易庶務、復八柱之已傾、張四維

之將絕、然則遠肅近安、民豐國富、太平之基、

華戎共欣、康哉之歌、朝野同音、豈可偃武棄

備、將士解體、修徐偃之仁義、從蹈楚之詐謀

乎、○蹈字兵法曰、天下雖安、忘戰必危、勿恃

彼之不來、恃我有備而待也、然解卻兵士、出

賣牧馬、抑止射田、若斯事條、未見其可、臣愚
四矣、玄昉掌中有通天之理、直達中指、傳聞
唐相師曰、當作天子、玄昉竊負此言、覬覦寶
位、熒惑陛下、欺詐后宮、讒間蕃屏之族、令朝
廷無維城之固、放逐棟梁之家、令左右絕忠
良之臣、屢出酷政、令天下積怨於陛下、舉動
大役、令萬民疲弊於興作、偃武棄備、令國家
忘戰、愛養死士、不嗇萬金之資、所有行事、一
同文種、滅吳九術、從五位上守右衛士督兼

中宮亮近江守下道朝臣真吉備邊鄙孺子、
斗筭小人、遊學海外、尤習長短、有智有勇、有
辯有權、口論山甫之遺風、意慕趙高之權謀、
所謂有為姦雄之客、利口覆國之人也、亦作
玄昉左翼、而蔽陛下明德、臣熟視二盜、契為
比目、雖陛下撫育、恩超同位、而進退周旋、猶
如餓虎、先知二盜、必有大求、若不早除、恐貽
噬臍之憂、太公曰、涓水不塞、將成江河、兩葉
弗去、將用斧柯、夫視日月之光、不為明目、聽

雷霆之動、不為聰耳、所謂上智者、居高堂之上、知日月之次序、見瓶水之中、知天下之寒暑、臣請賜尚方劍、芟夷二盜、省除苛政、以扶傾運、誅無忌而謝吳王、楚子故事、戮晁錯而賜七國、漢帝上策、臣愚五矣、臣聞鷓鴣山鳥、猶惜毀巢、况乎我國家宗廟社稷、與日月競其照臨、與天壤齊其終始、然為玄昉姦賊、吉備凶豎所謀、豈不哀哉、忠臣義士、以何面目戴天蹈地乎、廷屈師傳、朱雲高士、折檻匪罪、

漢成明德、幸照盆下、納臣愚忠、所謂芻蕘之

言、聖人猶擇、天下幸甚、表入不省、

松浦社本緣起九

月廣嗣起兵、造營遠河郡、儲兵弩、置烽燧、朝廷遣大將軍大野東人、副將軍紀飯麻呂等討之、下敕暴露廣嗣罪狀、作敕符數千道、散擲諸國、使民知所向背、立賞格、募能斬廣嗣者、東人等進將入豐前、廣嗣將京都郡鎮長小長谷常人、企救郡板櫃鎮大長三田鹽籠小長凡河內田道拒之、常人田道敗死、鹽籠

被二箭而走，百姓豐國、秋山等斬之，生虜登美板櫃、京都三營兵一千七百六十七人，京都郡大領楛田勢麻呂將五百騎，仲津郡擬少領膳東人八十人，下毛郡擬少領勇山伎美麻呂、築城郡擬領佐伯豐石七十人迎降。十月，廣嗣自將大隅薩摩、筑前、豐後兵一萬，從鞍手道，弟綱手將筑後肥前兵五千，從豐後，多胡古麻呂從田河道，迎拒官軍。廣嗣先至板櫃河，以隼人軍為前鋒，作筏將渡河，佐

伯常人安部蟲麻呂出營發弩而射，廣嗣兵却陳河西，常人等陳河東，令隼人等呼云：「隨逆人廣嗣拒官軍者，罪及妻子親族。」廣嗣兵不敢發箭，常人等呼廣嗣者十，不應。久之，廣嗣馳馬而來，曰：「聞敕使來，為誰？」常人曰：「敕使衛門督佐伯大夫式部少輔安陪大夫。」於是廣嗣下馬再拜，曰：「廣嗣不敢拒朝命，但請誅朝廷亂臣二人耳。若有抗朝廷者，天神地祇亟罰殺之。」常人等曰：「然則何故發兵？」廣嗣語

塞上馬而去，隼人三人泳河而來，官軍隼人援上岸，隼人二十人及兵十許騎相繼而降。

并獲器械，衆潰。續日廣嗣騎其所畜千里馬。

西走。異本平家物語○按諸書不載綱手古

散蓋闕文也。又按松浦社本緣起曰：廣嗣始

蒞任，有馬嘶聲，知其駿逸，以高價買之。骨相

竒異，食勁草或稭，乃試植榦于櫪中，數日馬

縮四蹄，立于其上，自是廣嗣午前視事畢，騎

馬赴京師，午後入宮受事，夕還府，日以爲常。

一日過備中板倉橋，傍有一人，形貌非常，謂

廣嗣曰：僕丹波冰上郡人，姓矢田，名弘麻呂，

願爲執鞭，廣嗣許之。其往來京師，未嘗少後

古今著聞集亦載廣嗣乘駿馬不取，遂乘船出

踰宿往還京師，皆涉誕妄，故不取。

肥前值駕島，得東風行四日，見孤島，舟人曰：

是耽羅島也。漂蕩一日夜，西風忽起，船不進。

廣嗣手捧驛鈴曰：我是大忠臣也，神靈棄我

乎，乞神濟我。因投鈴於海，而風波彌甚，船還

著值駕島，至長野村，爲進士安倍黑麻呂所

捕，東人等奏捷。十一月下詔斬之，詔書未到，

東人誅廣嗣，綱手於松浦郡。○按今昔物語入

海溺死，屍漂著海濱，明年正月決餘黨并生

虜罪，杖徒流死，沒入幾三百人。續日既而廣

本紀

川傳

廿三

嗣屢為厲

源平盛衰記、松浦社本緣起

十七年敕遣玄昉

於筑紫造觀世音寺、明年玄昉死、世傳由廣

嗣崇勝寶初貶真備為筑前守、改肥前守、續日

木紀真備至廣嗣墓祭之、今昔物語、松浦社本緣起遂為立

祠、請號鏡尊廟、初知識無怨寺、歲時祭祀、松浦

社本緣起、鏡尊廟、水鏡作鏡宮

橘奈良麻呂、左大臣諸兄子也、天平中帝幸

諸兄相樂別業、授奈良麻呂從五位下、歷大

學頭攝津大夫、民部大輔、累進從四位下、勝

寶元年敘從四位上、為侍從、拜參議、行但馬

因幡按察使、檢校伯耆出雲石見等、非違事、

進正四位下、寶字元年兼左大辯、時帝方寵

惠美仲麻呂、為紫微內相、仲麻呂因嬖幸擅

權、奈良麻呂惡其所為、潛欲除之、遂與廢太

子道祖王、及鹽燒王、安宿王、黃文王、小野東

人、大伴古麻呂等、謀行廢立、初勝寶末、太上

天皇不豫、諸兄祇承人佐味宮守告云、大臣

飲酒、言辭無禮、稍有反狀、太上天皇優容不

問諸兄知之無幾致仕既而帝召越前守佐伯美濃麻呂問之美濃麻呂對曰臣未曾聞佐伯全成或知之乃將鞠全成太后固止之事遂寢至是黃文弟山背王上變曰橘奈良麻呂構姦謀將圍田村宮大伴古麻呂具知其情宜召而訊之時古麻呂謂小野東人曰有人欲劫內相汝從乎東人曰唯命是聽有答煉忠節者密聞其語以告右大臣藤原豐成右大辯巨勢界麻呂界麻呂密奏之中衛

舍人上道斐太都告仲麻呂曰小野東人謂僕曰有王臣謀殺皇太子及內相者汝能從乎僕問王臣爲誰曰黃文王安宿王橘奈良麻呂大伴古麻呂徒衆甚多僕又問衆謀如何曰所謀有二一者率精兵四百圍田村宮二者陸奧將軍大伴古麻呂將赴陸奧行至美濃關詐稱疾請見一二親情蒙聽許卽塞關良久僕佯許之仲麻呂聞之是夜二更具奏狀警衛諸門遣高麗福信等將兵逮捕東

大伴兄弟 卷一百一十七 夕傳 廿五
人忠節等繫左衛士府別遣兵圍道祖王家
明日遣公卿究問東人等不服是夕仲麻呂
侍內召鹽燒王安宿王黃文王奈良麻呂古
麻呂宣太后詔曰有人告汝等謀反顧汝等
於我為親戚位祿不輕今何怨而逆乎是以
不問慎勿自絕五人退出南門誓首謝恩明
日遣中納言藤原永手等再究問東人等款
曰安宿王黃文王奈良麻呂古麻呂多治比
犢養多治比禮麻呂大伴池主多治比鷹主

大伴兄人等夜會議者三始於奈良麻呂家
次於圖書藏側後於太政官院庭會者甚衆
不辨顏面拜天地四方歛鹽汁誓曰以七月
二日初昏發兵圍內相宅殺之即圍大殿廢
太子劫皇太后奪鈴璽召右大臣使為號令
然後廢帝簡四王立以為君於是分繫安宿
王以下鞠之安宿王曰前月二十九日黃昏
黃文來曰奈良麻呂欲晤言乃與之往至太
政官院有二十許人一人迎揖視之奈良麻

呂也。有言人素服者。小野東人也。衆曰。時移矣。宜立拜安宿。問何拜。曰。拜天地。安宿被欺而往。固不知情。從衆而拜。黃文。奈良麻呂。古麻呂。犢養所。欵略同。敕使詰奈良麻呂曰。何由謀逆。曰。內相秉政不道甚多。故先發兵。請得其人。而後陳狀。曰。何謂不道。曰。造東大寺。人民辛苦。氏氏亦憂。又置剗奈羅。最爲已憂。曰。氏氏指何等氏。造寺起汝父臨職之時。今稱人憂。其言不當。奈良麻呂辭屈。又有賀茂

角足者。造田村宮圖。指授所入。佐伯古比奈欵。狀亦曰。作亂之日。角足謀邀高麗福信。奈良麻呂。坂上荊田麻呂。巨勢苗麻呂。牡鹿島足於額田部宅飲酒。使其不能赴難也。乃悉下獄。分遣諸衛掩捕其黨。令出雲守百濟敬福。太宰帥船王等五人。率諸衛守獄。拷掠究問。黃文改名多夫禮。道祖王名麻度比。古麻呂。犢養。東人角足。改姓乃呂志。竝杖死。安宿王并妻子流佐渡。信濃守佐伯大成。土左守大

伴古慈斐各流任國其餘或死獄中或配流

○按公卿補任奈良麻呂伏誅一說配流本

書無流殺奈良麻呂明文據下御南院宣詔

奈良麻呂蓋處遠流乎召遠江守多治比國

然猶涉疑似故不書

人究問所欵與東人等同流伊豆佐伯全成

時為陸奧守就而究問欵曰去天平十七年

先帝幸難波寢膳乖宜奈良麻呂謂全成曰

陛下枕席不安殆至大漸然猶無立皇嗣恐

有變願率多治比國人多治比犢養小野東

人立黃文為君以答百姓之望大伴佐伯二

族方與此舉前將無敵今天下憂苦居宅無

定乘路哭叫怨歎實多緣是定謀事可必成

能從否全成曰全成先祖清慎佐時全成雖

愚何失先人之迹哉縱令事成猶且不可况

不可必乎奈良麻呂曰見天下愁怨偶述所

思耳大嘗之歲奈良麻呂曰前歲所計今將

欲發如何全成曰朝廷賜全成高爵重祿何

敢違天謀為惡逆前歲既拒子之言何更發

邪奈良麻呂曰汝與吾同心之友是以告大

大日本書紀 卷一百十七 列傳 卅七

計慎莫泄言。又去年四月，全成齎金入京。奈良麻呂謂曰：見大伴古麻呂否？全成曰：未得相見。奈良麻呂乃引全成，共至辯官曹司。見古麻呂，奈良麻呂曰：聖體乖宜，久經歲序，審察時勢，亂將在邇。若他氏立王，吾輩滅亡，願率大伴佐伯之族，立黃文王為君，以為萬世基。古麻呂曰：右大臣大納言藉勢握權，汝雖立君，人豈服從？全成曰：此事無道，雖成豈得令名？即去。奈良麻呂獨留，全成不聞後語，言

畢自經。既而帝御南院，召會諸司，并京畿百姓村長以上，詔曰：賴神祇之靈，逆黨服罪，據法當死，特降一等，改姓名，處遠流。其所誑誤百姓，徙之出羽小勝柵戶。景雲四年，帝不豫，大赦，緣坐奈良麻呂者二百六十二人，編附本貫，但不許入京師。續日本紀奈良麻呂子清友入居。尊卑分脈清友生女，是為檀林皇后。及仁明帝登極，贈奈良麻呂從三位，詔曰：無位橘朝臣奈良麻呂，倚伏難測，既扁夜臺，憫福祿之

不長悲忠貞之不遂宜寬典式以資幽墳後

贈大納言又贈太政大臣正一位續日本紀

友自有傳入居延曆中敘正五位下為右兵

衛佐右中辨播磨守左京大夫日本紀子逸勢

逸勢為人放誕不拘細節最妙隸書文德實錄宮

門榜題多成其手文德實錄古延曆末從遣

唐使入唐唐人呼為橘秀才還敘從五位下

以老病家居不仕文德實錄敘從五位承和

七年起為但馬權守嵯峨上皇不豫東宮帶

刀伴健岑以為登遐非遠國家之危在可待

也乃與逸勢謀奉皇太子恒貞入東國竊語

阿保親王既而上皇崩親王緘書上嵯峨大

皇太后太后召中納言藤原良房傳奏之乃

使六衛府守宮門遣右近衛少將藤原富士

麻呂等率勇敢之士圍二人宅捕之辛馬長

伴水上被并執又召右近衛將曹伴武守帶

刀伴甲雄奪兵仗各繫左近衛左衛門左兵

衛府右兵衛督永名右衛門少尉時枝等以

逸勢近親自解兵仗待命大納言藤原愛發
 中納言藤原吉野等以其黨繫于院中左大
 辨正躬王等鞠問續日本紀逸勢不服文德實錄改
 姓非人減死配流伊豆續日本紀行抵遠
 江板築驛死于逆旅文德實錄月餘詔曰配流伊
 豆國罪人非人逸勢孫珍令年在幼少未習
 活計而逸勢以去月十三日身死孰恃孰憑
 雖罪人之苗胤猶慙一物失所宜更追還令
 就舊閭嘉祥二年賜男龍劍實山等本姓聽

入京師續日本紀明年追贈逸勢正五位下歸

葬仁壽三年又贈從四位下文德實錄

小野東人天平中為左兵衛佐十三年坐藤

原廣嗣事下平城獄決杖東西市各五十流

伊豆三島數年赦還為治部少輔勝寶中為

備前守寶字元年至從五位上黨奈良麻呂

事覺逮繫左衛士府拷掠杖下死續日本紀

大日本史卷之一百一十七終

大日本史卷之一百一十八
 高倉福信
 紀勝長
 佐伯今毛人
 百濟敬福
 國中公麻呂
 權中納言從三位源光圀
 男權中納言從三位綱條
 校
 女孫權中納言從三位治保重校

大日本史卷之一百一十八

列傳第四十五

權中納言從三位源光圀 修

男權中納言從三位綱條 校

女孫權中納言從三位治保重校

佐伯今毛人

百濟敬福 國中公麻呂

高倉福信

紀勝長 弟田上

伴善男

佐伯今毛人、大連大伴室屋之後也。大連以下據姓

錄氏父人足、從五位下、右衛士督、今毛人勇壯

有才幹、聖武帝創東大寺、使今毛人督役、指

授有方、役徒不得惰、帝竒之、稍被甄拔、勝寶

初為大和介、授從五位下、頃之超進三階、寶

字中敘、從四位下、除攝津大夫、領造東大寺

長官、遷營城監、兼肥前守、陞太宰大貳、景雲

初專知築怡土城事、為造西大寺長官、遷左

大辨、兼因幡守、進從四位上、寶龜中兼播磨

守、進正四位下、六年為遣唐大使、明年四月

授節刀到肥前、風波不便、留數月、既而至秋

風逆、不可發船、還博多大津、奏請待來年、許

之、十一月入京師、上節刀、八年又赴唐、至羅

城門而病、力疾就道、至攝津病劇、乃敕副使

小野石根、持節先發行、大使事、今毛人竟不

往、數年再為太宰大貳、天應元年進正四位

上、帥藤原濱成得罪、敕今毛人攝行府中事、

延曆初又為左大辨兼大和守進從三位兼
 皇后宮大夫及將遷都奉詔與藤原種繼等
 相攸山背乙訓郡長岡因為造長岡宮使續日
本紀今毛人奉公謹慎深信釋教初董東大寺
 役常日持齋帝呼為東大居士及為造宮使
 夙夜監督猶日誦金剛經而後臨事高僧傳要文抄
 三年拜參議尋進正三位為民部卿除太宰
 帥續日本紀在任所得租俸捨二分寫經以祈國
 祚餘悉施窮乏者家無資產高僧傳要文抄八年上

表致仕其參議封戶割半賜之爾後致仕者
 例給半俸云九年薨年七十二續日本紀
 百濟敬福百濟義慈王之玄孫也舒明朝義
 慈遣其子豐璋禪廣入侍後義慈與唐人戰
 軍敗降唐其臣佐平福信起兵克復迎立豐
 璋豐璋即位以讒殺福信唐人復來攻豐璋
 請援朝廷朝廷遣兵拒唐人不和豐璋乘船
 走高麗禪廣遂留而不去持統朝賜號百濟
 王及卒贈正廣參禪廣長子昌成先卒天武

大南本史 卷一百一十八 列傳 三十一
朝贈小紫次子郎虞元正朝授從四位下爲
攝津亮敬福其少子也爲人慧辨有從政之
才聖武帝殊寵遇之而放縱不羈頗好酒色
有人告貧者傾資振之無則乞假而給焉以
故頻歷外任家無餘財天平中再爲陸奧守
敘從五位上先是郡國不出黃金常取用於
外蕃及東大寺盧舍那佛像成塗金不足帝
常嘆恨會陸奧小田郡出黃金時敬福爲守
馳驛獻之帝大悅改元天平感寶特授敬福

從三位既而又獻黃金九百兩勝寶中爲宮
內卿歷兼河內常陸守爲檢習西海道兵使
遷右大辨寶字中歷出雲伊豫守爲南海道
節度使改讚岐守入爲外衛大將八年奉太
上皇敕與山村王等帥兵圍中宮院逼帝出
宮天平神護元年爲刑部卿稱德帝幸紀伊
爲後騎兵將軍二年薨年六十九續日本紀
國中公麻呂其先百濟人也祖父德率國骨
富天智朝屬其國喪亂來歸公麻呂居大和

葛下郡國中村、因命為氏、初聖武帝造盧舍那佛銅像、規模廣大、冶工不能措手、公麻呂頗有巧思、竟成之、景雲初帝幸東大寺、拜佛像、賞公麻呂功、授從四位下、為造東大寺次官、兼但馬員外介、寶龜五年卒、續日本紀

高倉福信、武藏高麗郡人、本姓背奈、其先出自高麗、祖福德、及唐將李勣攘平壤、避難來歸、居武藏、福信幼有膂力、年未弱冠、隨伯父行文遊京師、嘗往石上衢角力、相撲、無有敵

者、自是著名、聖武帝聞而召之、侍內豎所甚愛其材、初為右衛士、大志、頃之授外從五位下、稍遷補春宮亮、賜姓背奈王、累進正五位上、勝寶初遷中衛少將、兼紫微少弼、進從四位上、改賜姓高麗朝臣、橘奈良麻呂之變、奉敕捕小野東人、答本忠節等、進正四位下、遷信部大輔、尋為但馬守、神護元年授從三位、既而為造宮卿、景雲元年兼法王宮大夫、寶龜初兼武藏守、起楊梅宮、福信管其事、宮成

賞勞授其男石麻呂從五位下頃之兼近江
 守十年上表曰自臣之先世投于聖化雖被
 新姓之榮而舊號未革望請改高麗以為高
 倉許之天應元年遷彈正尹延曆四年乞骸
 骨優詔從之賜御杖及衾以散位就第八年

薨年八十一續日
本紀

紀勝長初名梶長角宿禰十一世孫父船守
公卿補任廢帝時為授刀舍人藤原仲麻呂之亂
 射殺其將矢田部老論功擢從五位下賜勳

五等公卿補任神護二年賜功田八町傳于

子累歷官職延曆中至正三位大納言續日
本紀

及薨帝哀悼不視事三日公卿補任贈右大臣正

二位日本紀略公卿補任勝長其長子也公卿補任

延曆四年敘從五位下明年為近江介時帝

欲征蝦夷遣勝長於東山道簡閱兵士器械

續日
本紀十一年為兵部少輔尋轉大輔遷式部

大輔為右中辨歷兼右衛門督右兵衛督美

作守為造東大寺長官公卿補任十五年任參議

二十年帝幸其山階宅日本略紀二十二年進從

三位大同元年轉中納言無何薨年五十三

勝長性寬雅好賓客接對不倦宴饗之費不

問出入善步射容儀進退堪為世範但耽愛

犬馬玩好之物頗累物議公卿補任子興道名虎

系圖興道天長中至從四位下右兵衛督承父

業亦善射儀大同中有伴和武多麻呂亦傳

其術後世武人竝用其法名虎仁明朝至正

四位下刑部卿續日本紀子有常性清警有儀

望貞觀中至雅樂頭從四位下三代實錄勝長弟

田上類聚國史

田上通曉武藝兼有文才最長於政事大同

初為相模守百姓懷之三年秩滿入京師平

城之變從太上皇授從四位○本書不載事

平左降佐渡權守遇赦還天長初卒類聚國史子

深江少遊大學略涉史書自文章生為大學

少允歷主稅助式部少丞弘仁末敘從五位

下天長承和間累遷左近衛少將兼備中守

為兵部大輔出為伊豫守進從四位上性寬和不為物動所莅有治績百姓安之時稱為

循吏卒于官年五十一續日本後紀

伴善男左京人參議國道子生而俊爽天資

鬼脈深目長鬚身體矮小意氣畔岸見者以

為黠兒弱冠直校書殿為仁明帝所知寵任

寄日重承和中任大內記三代實錄為藏人公卿補任

遷式部大丞授從五位下為讚岐權介未及

之任俄遷右少辨三代實錄時法隆寺僧善愷訴

少納言登美直名之罪善男與左大辨正躬

王等論定罪科數相詰難久之不決遂誣奏

正躬王等許容善愷非理之訴乃令明法博

士讚岐永直等斷之正躬王及一時預議者

皆坐解官續日本後紀善男尋補藏人頭轉

右中辨嘉祥初超授從四位下任參議轉右

大辨兼下野守補檢非違使別當兼式部大

輔三年進從四位上三代實錄公卿補任○

據公卿補任七月大水山碕橋斷帝以為河橋易

壞由水浸齧如得其便地自無所害詔善男
等就山碕以察利害求便地遂定置河橋文德

實錄是歲為中宮大夫三代實錄仁壽元年兼美作

守文德實錄二年丁母憂解職未幾詔起復

之三代實錄授正四位下文德實錄齊衡中兼讚岐守

進從三位文德實錄詔修國史文德實錄貞觀元

年兼伊豫權守進正三位兼民部卿二年任

中納言六年轉大納言善男性忍酷有口辨

當官幹理察斷機敏朝廷制度多所詳究政

務變通無問不對而徼倖逢迎為人主所愛

自為內記八年間累歷顯要終至公卿位望

漸貴為人褊狹好斥人短衆憎之三代實錄先是

善男與左大臣源信有隙屢謀陷信代之八

年春與子中庸等燒應天門而矯言信之所

為右大臣藤原良相信之欲罪信攝政良房

聞而大驚不及整衣冠疾驅入朝為辨其誣

三代實錄參取神皇正統記方善男之行火左京人大宅

鷹取夜過應天門有緹門柱而下者善男中

庸及家奴紀豐城也、俄而火起、鷹取意善男之所為也、會鷹取子與善男之奴之子忿爭、為奴所毆傷、幾死、事聞于官、訊之、鷹取遂言

善男燒應天門、三代實錄參取字治拾遺物語○按實錄云、拷訊殺鷹取

女子者、生江恒山、及同謀者伴清繩、並善於男之僕、從也、拾遺所載、顛末頗詳、今從之、於

是使參議南淵年名藤原良繩鞠問之、拘中

庸於左衛門府論讞、善男、中庸、及同謀者紀

豐城、伴秋實、伴清繩等五人、當斬、詔降死一

等、流善男于伊豆、中庸于隱岐、豐城于安房、

秋實于壹岐、清繩于佐渡、籍沒其資財宅地、

連坐配流者八人、肥後守紀夏井配于土左、

下野守伴阿男于能登、上總權少掾伴夏影

于越後、伴冬滿于常陸、紀春道于上總、伴高


吉于下總、紀武城于日向、伴春範于薩摩、中

庸子元孫年八歲、叔孫五歲、隨父配所、朝廷

愍其幼穉、道召還焉、三代實錄十年善男死于徙

所、年六十、公卿補任、伴氏系圖世傳善男微時、給仕郡

司、在佐渡、夢跨西大東大兩寺、既寤語妻、妻



戲曰恐騰開裂善男不悅至郡司家郡司素善相見善男至延接甚恭善男怪之郡司曰汝得異夢後當大貴而告之非人雖至大官必不令終果如其言

江談鈔古事談

大日本史卷之一百一十八終

大日本史卷之一百一十九

列傳第四十六

權中納言從三位源光圀 修

男權中納言從三位綱條 校

玄孫權中納言從三位治保重校

文室淨三 孫綿麻呂 秋津

船王 兄子和氣王

氷上鹽燒 志計志麻呂 川繼

山村王

平高棟 子季長

惟範

豐前王

文室淨三、長親王子也、初為諸王、名智努、

本〇

書智或

養老初授從四位下、

續日

為左大舍

人頭、

公卿補任

天平中為木工頭、領造宮卿、班給

新京百姓宅地、帝幸城北苑、賜宴羣臣、賞營
割勞、賜東絕六十匹、綿三百屯、累進正四位
上、授從三位、勝寶四年賜姓文室真人、尋為
攝津大夫、寶字初拜參議、兼治部卿、又兼出

雲守、詔求直言、淨三與少僧都慈訓奏曰、天
下諸寺、每年正月悔過、稍乖聖願、終非功德、
何者修行護國、僧尼之道、而今或身不入寺、
計官供於七日、或貪規兼得、著空名於兩處、
譏及三寶、無益施主、伏願停官布施、令彼貧
僧無所希望、四年拜中納言、五年進正三位、
改今名、尋遷御史大夫、優老聽宮中執扇杖
策、兼神祇伯、八年進從二位、初紀袁祁之女、
粳賣嫁紀伊水高郡內原牟羅、生身賣伯賣、

及長袁祁令寄食紀寺至庚寅之歲編戶入
 奴婢籍其族益人等告訴積年不理敕淨三
 覈之淨三列狀而上賜益麻呂等十二人姓
 紀朝臣真玉女等五十九人內原直以益麻
 呂為戶頭編附京戶而紀伊保等疑其非朝
 旨孝謙帝面敕淨三及惠美朝獵遣使紀寺
 宣詔益人等七十六人竝得從良○檢本書
前後文益
人蓋與益麻
呂同人也是歲淨三請致仕詔報曰聞卿
 年滿懸車據禮致仕熟思此事憂喜交懷一

喜功遂身退能守善道一憂氣衰力弱歸就
 田家古云知止不殆知足不辱卿之謂也丹
 懇難違依其所請仍賜几杖及新錢十萬將
 以闡揚勝流激勵浮俗淨三既致仕敕給半
 俸尋改賜全俸景雲中賜太宰綿六千屯日續
紀本孝謙帝崩儲位未定吉備真備等欲立淨
 三淨三固拒而免紀日本
略是歲薨遺言薄葬不
 受鼓吹諸子遵奉當時稱之敕遣使弔賻日續
紀本子大原續日本
後紀桓武朝賜姓三緒朝

臣公卿補任至從四位下授勳三等續日本後紀

子綿麻呂公卿補任秋津公卿補任

綿麻呂延曆中敘從五位下歷右大舍人助

近衛將監少將兼出羽權守改播磨守除侍

從中務大輔大同中歷右兵衛督右京大夫

左大舍人頭仍兼播磨守改賜姓三山朝臣

遷左兵衛督兼大膳大夫更賜文室朝臣姓

○按本書作文室真文除兵部大輔弘仁元

年再為播磨守公卿補任平城之難侍太上皇嵯

峨帝召歸京師拘于左衛士府以大納言坂

上田村麻呂將兵邀上皇田村麻呂以綿麻

呂練武技曉邊事請赦參軍事因授正四位

上拜參議與田村麻呂扼美濃道日本後紀類聚國史

日本後紀略事平加大藏卿兼陸奧出羽按察使日本

後紀補任為征夷將軍討蝦夷有功進從三位

詔曰陸奧夷賊歷代彌時擾亂邊境殺略百

姓嚮遣正四位上文室朝臣綿麻呂等討平

之今量其功勞以進爵位日本後紀略兼左衛

門督

公卿補任○日本後紀作右

再為征夷將軍

日本略勳

四等、歷備前守右京大夫、陞右近衛長將兼

兵部卿

公卿補任

任中納言十四年薨年五十九

日本紀略

公卿補任

子卷雄幼有勇力善騎射文德帝

在東宮為帶刀舍人仁壽天安間歷官內外

貞觀中任左近衛少將元慶中進敘從四位

上為相模守不之任請解守以一子任外吏

詔以其子房典為近江少掾卷雄宿衛之勤

當時無雙直侍伏下日夜不出嘗戲騰駕車

牛額躍立車後為少將時狐走東宮屋上卷

雄登屋追及斬之其拳捷如此仁安三年卒

年七十八

三代實錄

秋津弘仁中為右近衛將監補藏人累歷右

馬助左近衛將監

公卿補任

甲斐守武藏介天長

中補左兵衛權佐遷左近衛中將

日本後紀

兼

因幡守授從四位下補藏人頭

公卿補任

六年拜

參議

公卿補任○公卿補任七年

尋兼右大辨武藏守轉左大

辨兼春宮大夫

日本後紀

承和初補檢非違使

別當檢非違使別當是為始公卿補任上表乞解

大辨中將等職因罷大辨兼右近衛中將右

衛門督秋津監察非違甚有聲譽又達武藝

世許其將器但有飲癖至數杯必悲泣以此

頗得譏遷兼丹後守至正四位下九年以伴

健岑之黨囚於冷泉院左降出雲權守十年

卒于貶所年五十七續日本紀淨三弟大市

大市○本書大市或作邑珍天平中授從四位下為刑

部卿遷内匠頭勝寶中進從四位上與淨三

同賜姓尋為大藏卿此時宗室支族陷辜者

衆大市内不自安剔髮為僧以圖自全寶字

中又出仕授正四位下歷彈正尹節部卿遷

民部卿神護元年進從三位二年為出雲按

察使拜參議兼中務卿景雲中賜大宰綿四

千屯續日本紀及孝謙帝崩吉備真備等謀立大

市議既決藤原百川等遽奉光仁帝踐阼以

故不得立日本紀略寶龜元年進正三位為

中納言二年拜大納言兼彈正尹進從二位

遷兼治部卿三年上表曰臣以愚質幸遇聖
 明拖紫腰金叨掌喉舌貪榮負貴戰過薄深
 伏惟陛下德洽仁厚邦舊命新維城之遇千
 年終譽之儀一會今臣蒲柳向衰桑榆方晏
 病亦稍篤垂盡無期伏願避路俊乂賜老丘
 園止足以送餘年返初而待終日則上有成
 物之德下無尸祿之譏矣矜老存疾有國嘉
 猷伏願天恩曲慰朽邁不任前路之迫促謹
 詣朝堂奉表以聞優詔不許再兼中務卿固

請致仕詔曰卿年及懸車告老言退知足知
 止合於古誼思欲抑留恐非優老之道體力
 如健時節朝參因賜御杖十一年薨年七十

七續日
 本紀

船王崇道盡敬皇帝舍人子也神龜四年直
 敘從四位下天平末進從四位上為彈正尹
 寶字初廢皇太子詔議宗室當為儲貳者船
 王以惟薄不修不得立
○本書所載敕文如
 此按是時藤原仲麻
 呂嬖於孝謙帝事出愛憎如其責池田王曰
 孝行有闕者亦此類而虛實殆不可知觀者

以意逆之可也。廢帝即位，進從三位，是歲遣渤海使還。奏唐亂，船王時為太宰帥，奉詔與大貳吉備真備議沿海備。奏便宜曰：府官所見有不安者四，據警固式，博多大津及壹岐對馬等要害之處，可置船一百隻以上，以備不虞。而今無船可用，交闕機要一也。太宰府三面帶海，諸蕃是待，而自罷東國防人，邊戍日以荒散，萬一有變，何以應卒，何以示威二也。管內防人一停作城，講肄武藝，練習戰陳，而大貳

吉備朝臣真備議曰：且耕且戰，古人稱善，請五十日教習，十日築城，事雖可行，府僚或不同三也。天平四年八月，有敕筑紫兵士全免調庸，其白丁者免調輸庸，當時民息兵強，足以鎮邊，而今管內彫弊，百姓匱乏，不有優復，無以自贍，四也。敕從之。唯不許遣東國防人，明年陞為親王，授三品，奉使香椎廟，告將伐新羅，尋為信部卿，進二品。及帝被廢，責以與惠美仲麻呂通謀，降為諸王，流于隱岐，子葦

田王、孫他田王、津守王、豐浦王、宮子王同坐，授姓三長真人，流于丹後，寶龜二年復屬籍。


續日紀 兄子和氣王、

和氣王，三原王子也，初為諸王，勝寶中賜姓岡真人，為因幡掾，寶字中追尊舍人親王，因復王屬籍，授從四位下，歷內匠頭、節部卿、伊豫守，八年惠美仲麻呂謀反，和氣上變賊平，敘從三位，拜參議，兼兵部卿，奉太上皇敕，與山村王等率兵圍中宮院，逼帝出宮，俄兼丹

波守，授勳二等，賜功田五十町，時皇嗣未立，王竊懷覬覦，有紀益女，以巫鬼受寵，王厚賂與之善，又與參議粟田道麻呂、兵部大輔大津大浦、式部員外少輔石川永年等相友善，數會飲其宅，神護元年七月，道麻呂至和氣宅，密語佩刀觸門屏而折，王遺裝刀，人或怪之，所謀頗漏，和氣畏禍，及即夜逃竄，敕索之，獲于率河社中，流伊豆，至山背相樂郡，絞殺，瘞于狛野，絞紀益女于綴喜郡松井村，和氣

男女大伴王、長岡王、名草王、山階王、采女王、免死除屬籍、貶道麻呂飛驒、外介以其怨家上道、斐大都為守、斐大都抵任、遂幽殺之、又貶大津大浦日向守、貶石川永年、隱岐、外介後自縊而死、至寶龜二年、和氣男女皆復屬籍、大伴王、天應元年授從五位下、延曆中大監物、主馬頭、續日本紀、冰上鹽燒、品新田部親王子也、初為諸王、天平中授從四位下、進正四位下、為中務卿、

坐事下平城獄、流伊豆三島、居四歲、召還、明年復爵、寶字元年、召公卿議、儲貳、僉曰、鹽燒王當立、帝曰、先帝責以無禮、不應立、遂立大炊王為皇太子、既而鹽燒王進正四位上、為大藏卿、橘奈良麻呂密謀簡廢太子、道祖王、黃文王、安宿王、及鹽燒王、立以為帝、事覺、或杖死、或遠流、詔曰、鹽燒王雖在四王之列、然不會謀、亦不被告、而緣坐、道祖王應當遠流、但父新田部親王、其心清明、奉侍朝廷、不忍



絕其門故免罪自今以後宜以明直奉朝廷
 二年進從三位賜姓冰上真人明年詔上意
 見鹽燒奏臣見三世王已下給春秋祿者是
 矜王親而今計上日不異臣姓乞依令優給
 勿檢上日奏可累歷禮部信部二卿六年拜
 參議兼美作守陞中納言八年兼文部卿惠
 美仲麻呂反奉鹽燒為帝仲麻呂伏誅鹽燒
 亦見斬續日本紀二子志計志麻呂川繼
 志計志麻呂初鹽燒尚不破內親王生志計

志麻呂及川繼及敗二子以母貴得免景雲
 三年丹比乙女誣告縣犬養姉女與內親王
 謀立志計志麻呂乃削內親王屬籍放京外
 志計志麻呂配土左續日本紀
 川繼敘從五位下延曆元年正月為因幡守
 其資人大和乙人私帶兵杖闕入宮中所司
 捕而推問欵曰川繼謀今月十日夜入自北
 門作亂因使臣招其黨宇治王以會期敕召
 川繼川繼聞使至潛出後門而走即固三關

大索數日、獲於大和葛上郡、詔曰、氷上川繼
潛謀亂、事既發覺、據法當極刑、其母不破內
親王反逆、近親亦當重罪、但山陵未乾、不忍
論刑、其川繼宜免死、處遠流、不破內親王并
川繼、姉妹配淡路、川繼流伊豆三島、妻藤原
法壹亦同徙焉、妻父藤原濱成奪二官、黨與
從四位下三方王、正五位下山上船主皆左
降、左大辯大伴家持、右衛士督坂上刈田麻
呂解職、正四位下伊勢老人、從五位下大原

美氣、藤原繼彥徙京外、凡坐者三十五人、川
繼姻戚知友亦擯京外、未幾三方王及妻弓
削女王、與山上船主坐厭魅乘輿、詔減死、處

遠流、

續日
本紀

山村王、久米皇子之後也、

○按公卿補任為
久米皇子之子誤

天平末、敘從五位下、寶字中為紀伊守、遷少
納言、惠美仲麻呂之反、以功授從三位、為左
兵衛督、及帝被廢、將兵圍中宮院、宣太上皇
詔、神護初、賜勲二等、兼大和守、賜功田五十

町拜參議、加治部卿、景雲元年薨、年四十六、
 延曆中、近江上言、除王姓從百姓者凡五戶、
 壹陌壹口、戶主槻村井上、大岡、大魚、動神等、
 竝山村王之孫也、山村王以養老五年編附、
 此部子孫蕃息、或七八世、分為數戶、依格六、
 世以下、除承嫡者之外、科課役、請承嫡之戶、
 遷附京戶、餘與姓科課、於是下所司、檢皇親、
 籍、無山村王之名、因從百姓之例、不賜真人

姓、續日
本紀

平高棟、葛原親王長子也、身長六尺、美鬚髯、
 幼而聰悟、好讀書、傳初為諸王、弘仁中、敘從、
 四位下、為侍從、天長初、歷大學頭、中務兵部、
 大輔、二年、賜姓平朝臣、歷大藏刑部卿、承和、
 中、累進、從三位、仁壽元年、拜參議、三年、丁父、
 憂、解職、哀毀過禮、月餘、奪情、以本官起之、齊、
 衡中、為春宮大夫、天安二年、為權中納言、進、
 正三位、貞觀初、領陸奧出羽按察使、奏鎮守、
 府上言、邊垂之吏、去鄉遼遠、公解之外、無復、

資糧而至有未納抑而不行請准太宰府司公解雖有未納以正稅給之永為恒例許之數年轉大納言以老辭職優詔不許九年薨年六十四高棟天性質厚不事華飾所蒞務存寬裕晚年崇信釋教常誦佛經嘗捨山城葛野郡別墅為道場詔賜額平等寺自拜大納言食邑租賦多供佛事子季長惟範三代實錄季長貞觀中以式部丞掌渤海客使元慶中為兵部少輔兼伊勢權介遷左近衛權少將

兼陸奥守賜近衛四人為隨身仁和二年為

右中辨

三代實錄

尋轉左中辨為問山城民苦使

奏曰得諸郡司解狀稱諸院諸宮及諸王臣家或爭百姓戶田或奪浮浪財物不據國宰無牒郡司闌入部內遞相壓略專擅威權不辨理非田園因斯荒廢財產為之空竭望請裁許被停止者伏檢案內訴訟皆從下始若有越訴法設科條今愚昧百姓不悟此理告人囑請甲宮而乘威前人媚託乙家以挾勢

國郡官司無力禁止望請自今以後相爭財物田宅之輩假勢王臣不由國郡者不限土浪不論蔭贖決杖一百所爭之物皆悉沒官諸院諸宮王臣家許容者別當并家司科違敕罪如此則窮民再蘇勢家弭害敕依其請

類聚三至從四位下右大辨寬平九年卒日本

略紀

惟範有文才善詩雜言奉和宇多帝敕撰弘仁以

後詩扶桑略記延喜二年任參議公卿補任與藤原時

平撰延喜格本書序累勞至從三位中納言兼

右近衛大將九年薨年五十五子時望從三

位中納言伊望從三位大納言公卿補任

豐前王崇道盡敬皇帝舍人四世之孫父木

工頭榮井王豐前少以博學稱天長中任大

學助遷式部大丞下父憂解職尋起復本官

歷諸陵助太宰大監敘從五位下承和齊衡

間歷備中參河安藝伊豫等守任左京權大

夫天安中丁母憂解官服闋除民部大輔貞

觀初累進從四位下、遷伊豫守、四年詔參議
 已上、論時政得失、右大臣藤原良相以豐前
 老成、特命上意見、先是諸王自二世至四世、
 賜冬夏衣服、不限人數、久之皇族蔓衍、糜費
 洪繁、豐前上疏曰、諸王給服、人數不定、徒費
 帑藏、無有紀極、望請以當時所在為定額、隨
 闕補之、不聽、輒過從之、豐前性簡傲、好品藻
 人物、言語浮夸、放縱無所拘、以故人多薄之、
 六年進從四位上、明年卒、年六十一、
三代實錄

大日本史卷一百一十九終

大日本史

卷一百一十

列傳

十六

大日本史卷一百一十

Table with 10 columns and 16 rows of text, likely a list of names or titles.

